

CONSELLERÍA DE PRESIDENCIA, ADMINISTRACIÓN PÚBLICAS E XUSTIZA

Orde do 23 de febreiro de 2009 pola que se incorporan tres novos procedementos ao Rexistro Telemático da Xunta de Galicia, regulado polo Decreto 164/2005, do 16 de xuño.

O Decreto 164/2005, do 16 de xuño, crea o Rexistro Telemático da Xunta de Galicia, que permite a presentación por vía telemática de solicitudes, escritos e comunicacións. Esta orde inclúe no anexo VII do Decreto 164/2005, do 16 de xuño, novos procedementos, co fin de continuar impulsando o emprego de técnicas e medios electrónicos, informáticos e telemáticos no desenvolvemento da actividade da Xunta de Galicia e no exercicio das súas competencias.

De conformidade co disposto no artigo 2.2º e a disposición adicional primeira b) e derradeira primeira do Decreto 164/2005, do 16 de xuño, polo que se regulan e determinan as oficinas de rexistro propias ou concertadas da Administración da Comunidade Autónoma de Galicia, se crea o Rexistro Telemático da Xunta de Galicia e se regula a atención ao cidadán.

DISPOÑO:

Artigo único

1. Inclúense no anexo VII do Decreto 164/2005, do 16 de xuño (procedementos para os que está habilitado o Rexistro Telemático da Xunta de Galicia), e quedan pois, habilitado cos efectos previstos no seu artigo 5.1º, os seguintes procedementos:

IN841G.-Dotación de unidades de I+D dentro das empresas.

IN841H.-Investimentos innovadores.

IN411B.-Autorización/inscrición como entidade colaboradora para renovación de equipamentos individuais de gas.

2. O procedemento para a tramitación electrónica estará dispoñible no enderezo <http://www.xunta.es/servicios/>

Disposición derradeira

Esta orde entrará en vigor o mesmo día da súa publicación no *Diario Oficial de Galicia*.

Santiago de Compostela, 23 de febreiro de 2009.

José Luis Méndez Romeu
Conselleiro de Presidencia, Administracións
Públicas e Xustiza

Corrección de erros.-Resolución do 12 de decembro de 2008 pola que se ordena a publicación do acordo do Consello da Xunta de Galicia do 11 de decembro de 2008, polo que se modifica a relación de postos de traballo da Vicepresidencia da Igualdade e do Benestar.

Advertido erro na Resolución do 12 de decembro de 2008, publicada no DOG nº 6, do venres 9 de xaneiro de 2009, é necesario facer a oportuna corrección:

-Na páxina 506, no centro de destino Delegación Provincial de Ourense:

-No posto «VP.C99.10.000.32001.011.- Posto base grupo A», na columna formación específica, debe dicir: «640».

-No posto «VP.C99.10.000.32001.052.- Posto base grupo D», na columna formación específica, debe dicir: «641».

-No posto «VP.C99.10.000.32001.053.- Posto base grupo D», na columna formación específica, debe dicir: «641».

-No posto «VP.C99.10.000.32001.054.- Posto base grupo D», na columna formación específica, debe dicir: «641».

-No posto «VP.C99.10.000.32001.055.- Posto base grupo D», na columna formación específica, debe dicir: «641».

CONSELLERÍA DE POLÍTICA TERRITORIAL, OBRAS PÚBLICAS E TRANSPORTES

Decreto 40/2009, do 12 de febreiro, polo que se aproba o cambio de titularidade do treito comprendido entre os p.k. 5+000 e 5+050 da estrada 6101 (Bidueiro-Amedo) da Deputación Provincial de Pontevedra, a prol do Concello de Dozón.

A teor do previsto no artigo 5 da Lei 4/1994, do 14 de setembro, de estradas de Galicia, os cambios de titularidade das estradas incluídas nas redes dependentes da Comunidade Autónoma deberán ser aprobados por decreto da Xunta de Galicia, por proposta da consellería competente en materia de estradas e logo do acordo entre as administracións afectadas.

Por outra parte, a citada lei de estradas dispón no artigo 54, que as estradas provinciais ou os treitos determinados delas en que a circulación adquire características urbanas, entregaráselles aos respectivos concellos. O expediente promoverase por proposta do concello ou da administración titular e será resolto polo Consello da Xunta de Galicia, por proposta da consellería competente en materia de estradas, logo de informe de ambos organismos.

Ao abeiro das mencionadas previsións legais, o Concello de Dozón solicitou no seu día á Deputación Provincial de Pontevedra a transferencia de titularidade dun treito sobrante da estrada provincial 6101 Bidueiro-Amedo, comprendido entre os p.k. 5+000 e 5+050.

O Pleno da Corporación Provincial acordou con data 12 de setembro de 2008 o cambio de titularidade do treito solicitado polo Concello de Dozón.

Con data do 22 de outubro de 2008 o Concello de Dozón aceptou recibir a favor dese concello o dito treito de estrada provincial.

A Dirección Xeral de Obras Públicas, de acordo co informe emitido polos servizos técnicos competentes, formula proposta favorable á transferencia da titularidade.

A Consellería de Política Territorial, Obras Públicas e Transportes estima axeitado o cambio de titularidade tendo en conta que o devandito tramo adquiriu características netamente urbanas.

Polo exposto, consonte o previsto na Lei 4/1994, do 14 de setembro, de estradas de Galicia, tras o acordo entre as administracións afectadas, por proposta da conselleira de Política Territorial, Obras Públicas e Transportes, e logo de deliberación do Consello da Xunta de Galicia, na súa reunión do día doce de febreiro de dous mil nove,

DISPOÑO:

Artigo 1º

Apróbase o cambio de titularidade a favor do Concello de Dozón do treito comprendido entre os p.k. 5+000 e 5+050 da estrada 6101 (Bidueiro-Amedo), pertencente á Deputación Provincial de Pontevedra.

Artigo 2º

En aplicación do artigo 4 da Lei 4/1994, do 14 de setembro, de estradas de Galicia, as entidades locais no marco das súas competencias, e de acordo cos correspondentes plans de estradas, aprobarán a relación de estradas da súa titularidade. De acordo co exposto, o Concello de Dozón deberá incorporar ao seu Plan de Estradas o treito a que se refire este decreto.

Artigo 3º

A entrega da vía formalizarase, no prazo dos dous meses seguintes á publicación deste decreto no *Diario Oficial de Galicia*, mediante a sinatura da correspondente acta de entrega.

Artigo 4º

Correspóndenlle ao Concello de Dozón, a partir da formalización da entrega, todas as actividades de xestión, mantemento, conservación e explotación da vía; así como o exercicio das funcións de disciplina viaria e calquera outra que puidese corresponderlle como nova Administración titular da estrada.

Disposición derradeira

Este decreto terá efectos desde o día seguinte ao da súa publicación no *Diario Oficial de Galicia*.

Santiago de Compostela, doce de febreiro de dous mil nove.

Emilio Pérez Touriño
Presidente

María José Caride Estévez
Conselleira de Política Territorial, Obras Públicas e Transportes

Decreto 41/2009, do 12 de febreiro, polo que se aproba o cambio de titularidade dos seguintes treitos: treito da estrada provincial que ten o seu inicio no cruzamento sito no p.k. 12+310 da estrada de titularidade autonómica PO-226 (Cuntis-Porrás) e o seu final no cruzamento coa N-550, treito da estrada provincial EP 9407, preto do enlace coa N-550, no Carballal e treito da estrada provincial EP 0506, preto do enlace coa N-550 (Casa Florita), da Deputación Provincial de Pontevedra, a prol do Concello de Barro.

A teor do previsto no artigo 5 da Lei 4/1994, do 14 de setembro, de estradas de Galicia, os cambios de titularidade das estradas incluídas nas redes dependentes da comunidade autónoma deberán ser aprobados por decreto da Xunta de Galicia, por proposta da consellería competente en materia de estradas e logo do acordo entre as administracións afectadas.

Por outra parte, a citada lei de estradas dispón no artigo 54, que as estradas provinciais ou os treitos determinados delas en que a circulación adquira características urbanas, entregaránselles aos respectivos concellos. O expediente promoverase por proposta do concello ou da administración titular e será resolto polo Consello da Xunta de Galicia, por proposta da consellería competente en materia de estradas, logo de informe de ambos os organismos.

Ao abeiro das mencionadas previsións legais, o Concello de Barro solicitou no seu día á Deputación Provincial de Pontevedra a transferencia de titularidade dos seguintes tres treitos:

1. Treito da estrada provincial que ten o seu inicio no cruzamento sito no p.k. 12+310 da estrada de titularidade autonómica PO-226 (Cuntis-Porrás) e o seu final no cruzamento coa N-550.
2. Treito da estrada provincial EP 9407, preto do enlace coa N-550, no Carballal.
3. Treito da estrada provincial EP 0506, preto do enlace coa N-550 (Casa Florita).

O Pleno da Corporación Provincial acordou, con data 12 de setembro de 2008, o cambio de titulari-